

163  
26. ágúst

b. Að austanverðu við Strandgötu frá Reykjavíkurvegi að Lækjargötu eru bifreiðastöður takmarkaðar við 15 mínútur í einu á virkum dögum frá kl. 9.00—19.00 nema á laugardögum kl. 9.00—13.00.

Þetta tilkynnist öllum, sem hlut eiga að máli.

*Lögreglustjórinn í Hafnarfirði, 26. ágúst 1960.*

**Björn Sveinbjörnsson**  
settur.

164  
3. sept.

## AUGLÝSING

um viðauka og breytingar á lyfsöluskrá II.

Frá og með 5. september 1960 ganga í gildi viðaukar og breytingar útgefnar í dag á lyfsöluskrá II frá 10. desember 1958.

*Í dóms- og kirkjumálaráðuneytinu, 3. september 1960.*

F. h. r.

E. u.

**Ragnar Bjarkan.**

165  
7. sept.

## REGLUGERÐ

fyrir vatnsveitu Drangnesþorps.

1. gr.

Hreppsnefnd Kaldrananeshrepps hefur einkaleyfi til reksturs vatnsveitu og sölu vatns á kaupstaðarlóð Drangnesþorps, svo og einnig til Drangneshafnar og frystihúss.

2. gr.

Vatnsveitunefnd, sem kosin er af hreppsnefnd til fjögurra ára í senn, annast öll framkvæmdastörf, svo sem viðhald og endurbætur vatnsveitunnar, en fjárreiður og þar með innheimtustörf skulu vera í höndum oddvita, þó skal vatnsveitunefnd skyld á hverjum tíma, að aðstoða oddvita við þessi störf, sé farið fram á það.

Vatnsveitunefnd skal skipuð þremur aðalmönnum og þremur varamönnum. Hreppsnefnd tilnefni formann nefndarinnar.

3. gr.

Vatnsveitan láti leggja aðalvatnsæð um kaupúnið, svo að húseigendur eigi greiðan aðgang að þeim, í fyrirhuguðu vegarstæði eða götu, þar sem það er hægt, eða sem næst lóðarmörkum.

Frá aðalæð skulu húseigendur sjálfir leggja vatnsæðar í hús sín, á sinn kostnað.

4. gr.

Hver sá er vill komast í samband við aðalæð vatnsveitunnar, skal sækja um það skriflega til vatnsveitunefndar.

## 5. gr.

Skylt er húseiganda eða lóðareiganda að halda vatnsæðum sínum vel við, og láta tafarlaust gera við þær ef leki eða aðrar bilanir koma að þeim. Enginn má setja aflvélur í sambandi við vatnsveituna nema með leyfi vatnsveitunefndar.

165

7. sept.

## 6. gr.

Heimilt er vatnsveitunefnd að loka fyrir vatn hjá þeim, sem vanrækja að gera við bilanir á vatnskerfi sínu, eyða vatni að óþörfu eða greiða ekki vatnsskatt á réttum gjalddaga.

Fullan vatnsskatt ber að greiða, þótt slík lokun fari fram.

## 7. gr.

Hverjum manni skal skylt að láta af hendi land sitt og landsafnot í þarfir vatnsveitunnar, og þola þær eignakvaðir, óhagræði og takmörkun á afnotarétti, sem vatnsveitan kann að hafa í för með sér, enda komi fullar bætur fyrir samkvæmt mati, ef samkomulag ekki næst.

## 8. gr.

Enginn má taka vatn úr vatnsæð án heimildar, ella skal sá, er það gerir, sæta sektum, nema þyngri refsing liggji við, samkvæmt hegningarlögum, einnig skal sá skyldur til að greiða vatnið samkvæmt mati vatnsveitunefndar.

## 9. gr.

Hver sá, er saugar eða skemmir vatnsæð, brunn eða önnur mannvirki, skal greiða fullar bætur fyrir samkvæmt mati, ella sæta sektum, nema þyngri refsing liggji við.

## 10. gr.

Vatnsveitunefnd skal heimilt að fara í hús manna, þar sem vatnsæð er, til athugunar. Ef útbúnaði er ábótavant, að dómi vatnsveitunefndar, skal húseigandi tafarlaust bæta úr því, ella sé vatnsveitunefnd heimilt að láta gera við gallann á hans kostnað.

## 11. gr.

Stofngjald skal vera kr. 20.00 á m<sup>2</sup> fyrir hverja íbúð, og skal greitt um leið og íbúð er tengd við aðalæð.

Árlegur vatnsskattur fyrir hverja íbúð sé kr. 4.00 á fermetra.

## 12. gr.

Heimilt er hreppsnefnd, fyrir eitt ár í senn, að hækka eða lækka vatnsskattinn um allt að 50%.

## 13. gr.

Fyrir önnur vatnsnot skal greiða sem hér segir:

- |   |           |
|---|-----------|
| a. Fyrir hverja smálest til skipa .....   | kr. 15.00 |
| b. Fyrir hverja smálest af innvegnum fiski .....  | — 5.00    |
| c. Fyrir hvern nautgrip sem inni stendur .....  | — 10.00   |
| d. Fyrir hverja sauðkind vetrarfóðraða .....  | — 1.00    |
| e. Fyrir hverja skrásetta bifreið .....   | — 50.00   |
| f. Fyrir kælivatn vegna véla, samkvæmt mæli, kr. 0.90 á tonn af fyrstu 1000 tonn-<br>um, en kr. 0.50 á tonn eftir það, eða eftir samkomulagi við vatnsveitunefnd. |           |
| g. Fyrir önnur vatnsnot en hér segir, greiðist eftir samkomulagi við vatnsveitu-<br>nefnd á hverjum tíma.   |           |
| h. Fyrir hús, sem ekki eru notuð til íbúðar eða atvinnureksturs greiðist kr. 5.00<br>fyrir hverja 100 lítra vatns.  |           |

**165**

14. gr.

7. sept. Gjaldldagi á föstum vatnsskatti skal vera 1. júlí ár hvert. Reikningsár vatnsveitunnar er almanaksárið.

Vatnsskatturinn skal greiddur í einu lagi fyrir líðandi ár.

15. gr.

Brot gegn reglugerð þessari varðar sektum allt að kr. 1500.00, nema þyngri refsing liggi við að lögum.

Með mál út af brotum gegn reglugerð þessari skal farið að hætti opinberra mála.

Reglugerð þessi, sem samin er og samþykkt af hreppsnefnd Kaldrananeshrepps, staðfestist hér með samkvæmt vatnalögum nr. 15 20. júní 1923, sbr. lög nr. 93 5. júní 1947, um aðstoð til vatnsveitna, til þess að öðlast gildi þegar í stað og birtist til eftirbreytni öllum þeim, sem hlut eiga að máli.

*Félagsmálaráðuneytið, 7. september 1960.*

F. h. r.

**Hjálmar Vilhjálmsson.**


---

*Hallgrímur Dalberg.*
**166****AUGLÝSING**

7. sept.

**um hámarkshraða ökutækja um Hafnarkauptún í Austur-Skaftafellssýslu.**

Hámarkshraði bifreiða og annarra vélknúinna ökutækja er 35 km á klst. um Suðurlandsveg innan Hafnarkauptúns í Hornafirði, frá vegi í Ósland að sunnan, og að vatnsgeymi að norðan og einnig á öllum götum í kauptúninu innan þessara marka.

Auglýsing þessi, sem sett er samkvæmt heimild í 50 gr. umferðarlaga nr. 26 2. maí 1958, öðlast þegar gildi.

*Í dóms- og kirkjumálaráðuneytinu, 7. september 1960.*

F. h. r.

E. u.

**Ragnar Bjarkan.**